

中国边疆研究资料文库·边疆史地文献初编

西北邊疆

第一輯

散木居奏稿

第 1 册

散木居奏稿

第 1 册

散木居奏稿卷之一

韓維端

司業集 光緒甲午起

請飭禁附保積弊摺

請飭清查旗籍摺

查明捏飾請將保案撤銷摺

請敕徐用儀明白回奏片

神機營當差司員可否酌定額缺由各該衙門保送片

濫保匪人請敕部申明定例片

南漕改折摺

滿御史保送舊例請
敕部酌議寔通摺
請
飭禁附保積弊摺
奏為滙陳外省
云

請飭禁附保積弊摺

奏為滙陳外省附保積弊請

旨嚴禁以重名器而杜倖進恭摺仰祈

聖鑒事竊維文武官員著有勞績例得邀獎所以勸

有功也有在事出力稍次不得列保者斷無未

曾在事轉得列保者乃以弊所聞則大不然方

檄本居奏稿

各省之查辦保舉也工於謀幹者一得消息即
生覬覦其不能直取者則懇顯宦至交轉相乞
請當事者礙於情面亦遂徇其求私函朝達
薦剡夕登請屬公行視同常例其有此處出力
方保過班而他省著績又請加銜者宜易筆鑑甫易
官已三遷戶庭未離人且萬里已極鑽營之捷

徑鬼域之狡謀已夫爵賞冒濫則真才扼腕食
壬徼幸則志士灰心且封疆大吏恃賞罰以激
厲人材先涉徇私何以服衆近年正途淹滯京
秩尤艱或華顛而猶困曹郎或高第而久沈詞
館而此附保者徒以一二有力者之推挽便可
坐臻通顯頡頏清塗儻竟遂其貪饕假之權位

椒木居奏稿

不但有妨賢路。並將貽害民生。現當整飭官方。
嚴核保舉之時。此種弊端。或為部臣之所不及
料。伏懇


嚴旨申諭各省督撫將軍都統及邊疆大臣遇有保
案秉公覈辦不准仍前濫保以重名器而杜倖
進其實在出力人員並當事先聲明勿許隨後

補報以嚴稽核庶取巧者無敢生心任事者益
思圖報似於吏治軍謀不無小補愚昧之見是
否有當謹恭摺上陳伏祈

皇上聖鑒謹

奏

椒木居奏稿



請飭清查旗籍摺

奏為民人冒入旗籍宜亟清查以別流品而除宿

弊恭摺具陳仰祈

聖鑒事竊恭查

會典事例雍正十三年奏准民人冒入旗籍者照過

繼民人為嗣例入於另記檔案內嗣後永不許

椒木居奏稿

民人冒入旗籍違者除本人治罪外報保之該

管官一併交部議處等語厥後屢經奉

旨議行道光初年復經立限清查並定另冊章程

通飭遵辦當時查出官兵以民人而冒入旗籍者已有

二千三四百員名之多俱蒙

寬免治罪另冊註明及身而止迄今又越多年成規漸

椒本居奏稿

邈奸偽日以滋厲清釐幾若不行議者至謂八
旗官兵半係民人語雖近激非過論也查各旗
丁冊原有編審之例本為杜絕假冒今則廝興
之卒皆蝕錢糧勳舊之家亦多乞養叩以清語
而不曉詢以姓氏而不知始猶竄名閑散漸至
報捐送考矣初僅承嗣孤孀繼且廢官襲爵矣

迨其一旦得志。竟儼然以閥閱世家自託名種。初不計識者之議其後也。此種弊端外旗固所不免。內務府利之所在。蒙混尤多。該管參佐管領各官視為故常。從不舉發。致成積重難返之勢。雖有稽察御史。久等濫竽。各該都統及內務府大臣職務殷繁。並皆未能兼顧旗務之壞。殆

已非一朝一夕之故矣近日革員慶寬一案積
久始發其倖未敗露者尚未知有凡幾若不亟
行清查任令良賤混淆羣亂旗族何以別流品
而除宿弊合無請

旨飭下各旗都統內務府大臣確切查明據實具

奏各該冒入旗籍官兵如係自行呈首另冊註明

椒木居奏稿